



韋蘇州集卷第七

登眺十五首

登高望洛城作一首

高臺造雲端遐瞰周四垠雄都定鼎地勢據萬  
 國尊河岳出雲雨土圭酌乾坤舟通一作盈南越  
 貢城背北邙原帝宅夾清洛丹霞捧朝暾葱籠  
 瑤臺榭窈窕雙闕門十載構屯難兵戈若一作久  
 雲屯膏腴滿榛蕪比屋空毀垣聖主乃東眷俾  
 賢拯元元熙熙居守化泛泛太府息至損當一作

蘇州刺史韋應物

蘇州刺史韋應物

蘇州刺史韋應物



方受益苦寒必生温平明四城開稍見市井喧  
坐感理亂迹永懷經濟言吾生自不達空鳥何  
翩翩天高水流遠日晏城郭昏徘徊訖旦夕聊  
用寫憂煩

同德寺閣集眺

芳節欲云晏遊遨樂相從高閣照丹霞颺颺含  
遠風寂寥氛氲廓超忽神慮空旭日霽皇州岩  
堯見兩宮嵩少多秀色群山莫與崇三川浩東  
注灑澗亦來同陰陽降大和宇宙得其中舟車  
南川陸四國靡不通舊堵今既葺庶甿亦已豐

周覽思自奮行當遇時色

登寶意寺上方舊遊詩在武功  
曾居此寺

翠嶺香臺出半天萬家煙樹滿晴川諸僧近住  
不相識坐聽微一作  
鐘記往年

登樂遊廟作

高原出東城鬱鬱見咸陽上有千載事乃自漢  
宣皇頽孺父凌遲陳迹翳丘荒春草雖復綠驚  
風但飄揚周覽京城內雙闕起中央微鍾何處  
來暮色忽蒼蒼歌吹喧萬井車馬塞康莊昔人  
豈不爾百世同一傷場一作  
歸當守冲漠跡寓心



自忘

登西南岡卜居遇雨尋竹浪至澧壩紫帶數里清流茂樹雲物可賞

登高創危構林表見川流微雨颺已至蕭條川氣秋下尋密竹盡忽曠沙際遊紆曲水分野綿延稼盈疇寒花明廢墟樵牧笑榛立雲水成一作交陰澹竹樹更清幽適自戀佳賞一作適自慙一作賞又賞復茲永日留

澧上與幼遐月夜登西岡翫苑

置酒臨高隅佳人自城闕已翫滿川花還看滿

川月花月方浩然賞心何由歇

臺上遲客

高臺一悄望聊望遠樹間朝暉但見東西騎坐令心賞違始霽郊園綠暮春啼鳥稀徒然對芳物何能獨醉歸

登樓

茲樓日登眺流歲暗蹉跎坐厭淮南守秋山紅樹多

善福寺閣

殘霞照高閣清山出遠林晴明一登望蕭灑此



幽襟

樓中月夜

端令倚懸檻長望抱沉憂寧知故園月今夕在  
茲樓衰蓮送餘馥華露湛新秋坐見蒼林變清  
輝愴已休一作收

寒食後北樓作

園林過新節風花亂高閣遙聞擊鼓聲蹴鞠軍  
中樂

西樓

高閣一長望故園何日歸煙塵擁一作函谷秋

鴈過來稀

夜望

南樓夜已寂暗鳥動林間不見城郭事沉沉唯  
四山

晚登郡閣

悵然高閣望已掩東城關春風偏送柳夜景欲  
沉山

登重玄寺閣

時暇陟雲構晨霽澄景光始見吳都一作郡大十  
里鬱蒼蒼山川表明麗湖海吞大荒合沓臻水



陸駢闐會四方俗繁節又暄雨順物亦康禽魚  
各翔泳草木遍芬芳於茲省昨俗一用勸農桑  
誠知虎符忝但恨歸路長

遊覽五十八首

觀早朝

伐鼓通嚴城車馬溢廣躔煌煌列明燭朝服照  
華鮮金門杳深沉尚聽清漏傳河漢忽已沒司  
閤啓晨關丹殿據龍首崔嵬對南山寒生千門  
裏日照雙闕間禁旅下成列鱸香起中天輝輝  
覩明聖濟濟行音航俊賢媿無此馬路姿短翻空飛

還誰當假毛羽雲路相追攀

陪元侍御春遊

何處醉春風長安西復東不因俱罷職豈得此  
時同貰酒宣平里尋芳下苑中往來楊柳陌猶  
避昔年驄

遊龍門香山泉

山水本自佳遊人已忘慮碧泉更幽絕賞愛未  
一作能去潺湲寫幽磴繚繞帶一作嘉樹激轉  
忽殊流歸泓又同注羽觴自成一作翫永日亦  
延趣靈草有時香仙一作源不知處還當候圓



月携手重遊寓

龍門遊眺

鑿山導伊流中斷若天關都門遥相望佳氣生  
朝夕素懷出塵意適有携手客精舍遶一作繚層  
阿千龕鄰鱗一作峭壁緣雲路猶緬憇澗鍾已寂  
花樹發煙華淙流散石脉長嘯招遠風臨潭漱  
金碧日落望都城人間何役役一作徘徊悵還

洛都遊寓

東風日已和元化亮無私草木同時植生條有  
高卑罷官守園廬豈不懷渴飢窮通非所干跼

促當何為佳辰幸可遊親友亦相追朝從華林  
宴暮返東城期掇英出蘭皋翫月步川坻軒冕  
誠可慕所憂在繫維

再遊龍門懷舊侶

嘗與竇黃州洛陽韓丞澗池李丞密真二

尉同遊

兩山鬱相對晨策方上干靄靄眺都城悠悠俯  
清瀾邈矣二三子茲焉屢遊盤良時忽已周獨  
往念前歡好鳥始云至衆芳亦未闌遇物豈殊  
昔慨傷自有端

莊嚴精舍遊集



良遊因時暇乃在西南隅綠煙凝層城豐草滿  
通衢精舍何崇曠煩跼一弘舒架虹施廣蔭措  
雲眺八區即此塵境遠忽聞幽鳥殊新林一作秋  
泛景光叢綠含露濡永日亮難遂平生少歡娛  
誰能遽還歸幸與一作得高士俱

府舍月遊

官舍

一作寺

耿深夜佳月喜同遊橫河俱半落泛

露忽驚秋散彩踈群樹分規澄素流心期與浩  
景蒼蒼殊未收

任鄆令漢陂遊眺

野水灑長塘煙花亂晴日氛氲綠樹多蒼翠千  
山出遊魚時可見新荷尚未密屢徃心獨閑恨  
無理人術

西郊遊矚

東風散餘沍陂水淡已綠一作本綠煙芳何處尋香  
藹春山曲新禽哢暄節晴光泛嘉木一與諸君  
遊華觴忻見屬

再遊西郊渡

水曲一追遊遊人重懷戀嬋娟昨夜月還向波  
中見驚禽棲不定流芳寒未徧携手更何時佇



看花似霰

月溪與幼遐君貺同遊

時二子還城

岸篠覆迴溪迴溪曲如月沉沉水容綠寂寂流

鶯歌

一作鶯初歌

淺石方凌亂遊禽時出沒半兩夕

陽霏綠源雜花發明晨重來此同心應已闕

與幼遐君貺兄弟同遊白家竹潭

清賞非素期偶遊方自得前登絕嶺險下視深

潭黑密竹已成暮歸雲殊未極春鳥依谷暄紫

蘭含幽色已將芳景遇復款平生憶終念一歡

別臨風還默默

秋夕西齋與僧神靜遊

晨登西齋望不覺至夕曛正當秋夏交原野起

煙氛坐聽涼飈舉華月稍披雲漠漠山猶隱灑

灑川始分物幽夜更殊境靜與彌臻息機非傲

世于時乏嘉聞究空自為理況與釋子群

觀田家

微雨衆卉新一雷驚蟄始田家幾日閑耕種從

此起丁壯俱在野場圃亦就理歸來景常晏飲

犢西澗水飢劬不自苦膏澤且為喜倉廩無宿

儲徭役猶未已方慙不耕者祿食出閭里



園亭覽物

積雨時物變夏綠滿園新殘花已落實高第半  
成筠守此幽棲地自是忘機人

觀澧水漲

夏雨萬壑湊澧漲

一作流

暮渾渾草木盈川谷澶

漫一平吞槎梗方瀾泛濤沫亦洪翻北來注涇  
渭所過無安源雲嶺同昏黑觀望悖心魂舟人  
空斂棹風波正自奔

陪王卿郎中遊南池

鷓鴻俱失侶同為此地遊露浥荷花氣風散柳

園秋煙草凝衰嶼星漢泛歸流林高初上月塘  
深未轉舟清言屢往復華樽始獻酬終憶秦川  
賞端坐起離憂

南園陪王卿遊曠

形跡雖拘檢世事澹無心郡中多山水日夕聽  
幽禽几閣文墨暇園林春景深雜花芳意散綠  
池暮色沉君子有高躅相携在幽尋一酌何爲  
貴可以寫冲襟

遊西山

時事方擾擾幽賞獨悠悠弄泉朝涉澗采石夜



歸州揮翰題蒼峭下馬歷歎丘所愛唯山水到此即淹留

春游南亭

川明氣已變巖寒雲尚擁南亭草心綠春塘泉脉動景煦聽禽響雨餘看柳重逍遙池館華益媿專城寵

再遊西山

南譙古山郡信是高人居自歎乏弘量終朝親簿書於時忽命駕秋野正蕭疎積逋誠待責尋山亦有餘測測石泉冷曖曖煙谷虛中有釋門

子種果

一作藥

結茅廬出身厭名利遇境即躊躇

守直雖多忤視險方晏如况將塵埃外襟抱從此舒

遊靈巖寺

始入松路永獨忻山寺幽不知臨絕檻乃見西江流吳岫分煙景楚甸散林丘方悟關塞眇重軫故園愁聞鍾戒歸騎憇澗惜良遊地踈泉谷狹春深草木稠茲焉賞未極清景

一作

期杪秋

與盧陟同遊永定寺北池僧齋

密竹行已遠子規啼更深綠池芳草氣閑齋春



樹陰晴蝶飄蘭逕游蜂遶花心不遇君携手誰  
復此幽尋

游溪

野水煙鶴啖楚天雲雨空翫舟清景晚垂釣綠  
蒲中落花飄旅衣歸流澹輕風綠源不可極遠  
樹但青葱

遊開元精舍

夏衣始輕體遊步愛僧居果園新雨後香臺照  
日初綠陰生晝靜一作寂孤花表春餘符竹方為  
累形跡一來踈

襄武館遊眺

州民知禮讓訟簡得遨遊高亭憑古地山川當  
暮秋是時秔稻熟西望盡田一作平疇仰恩慙政

拙念勞喜歲收澹泊風景晏繚繞雲樹幽節往  
情惻惻天高思悠悠嘉賓華雲集芳罇始淹留

還希習池賞

一作還喜曲池賓

聊以駐鳴騶

秋景詣瑯琊精舍

屢訪塵外跡未窮幽賞情高秋天景遠始見山  
水清上陟巖巖憩暮看雲壑平蒼茫寒色起迢  
遞晚鍾鳴意有清夜戀身為符守嬰悟言一作愛



緇衣子蕭灑中林行

同韓郎中閑庭南望秋景

朝下抱餘素地高心本閑如何趨府客罷秩見  
秋山踈樹共寒意遊禽同暮還因君悟清景西  
望一開顏

慈恩精舍南池作

清境豈云遠炎氛忽如遺重門布綠陰幽篁浦  
廣池石髮散清淺林光動漣漪綠崖摘紫房扣  
檻集靈龜浥浥餘露氣馥馥幽襟披積喧折物  
曠眈翫覺景馳明晨復趨府幽賞當友思

雨夜宿清都觀

靈颿動閭闔微雨灑瑶林復此新秋夜高閣正  
沉沉曠歲恨殊跡茲夕一披襟洞戶含涼氣網  
軒構層陰况自展良友芳樽遂盈斟適悟委前  
妄清言怡道心豈戀腰間綬如彼籠中禽

善福精舍秋夜遲諸君

廣庭獨閑步夜色方湛然丹閣已排雲皓月更  
一作高懸繁露降秋節蒼林鬱芊芊仰觀天氣  
涼高詠古人篇撫已亮無庸結交賴群賢屬予  
翹思時方子中夜眠相去隔城闕佳期屢徂遷



一作如何日夕待見月三四圓

東郊

吏舍跼終年出郊曠清曙楊柳散和風青山澹  
吾慮依叢適自憩緣澗還復去微雨霽芳原春  
鳩鳴何處樂幽心屢止遵事跡猶遽終罷斯一作  
期結廬慕陶真可庶

秋郊作

清露澄境遠旭日照林初一望秋山淨蕭條形  
迹踈登原折時稼采菊行故墟方願沮溺耦淡  
泊守田廬

行寬禪師院

北望極長廊斜扉映一作掩叢竹亭午一來尋院  
幽僧亦獨唯聞山鳥啼愛此林下宿

神靜師院

青苔幽巷徧新林露氣微經聲在深竹高齋獨  
掩扉憩樹愛嵐嶺聽禽悅朝暉方耽靜中趣自  
與塵事違

精舍納涼

山景寂已晦野寺變蒼蒼夕風吹高殿露葉散  
林光清鍾始戒夜幽禽尚歸翔誰復掩扉卧不



詠南軒涼

藍嶺精舍

石壁精舍高排雲聊直上佳遊愜始願忘險得  
前賞崖傾景方晦谷轉川如掌綠林含蕭條飛  
閣起弘敞道人上方至深夜還獨徃日落群山  
陰天秋百泉響所嗟累已成安得長偃仰

道晏寺主院

北隣有幽竹潛筠穿我廬徃來地既密心樂道  
者居殘花迴徃節輕條蔭夏初聞鍾北窻起嘯  
傲永日餘

義演法師西齋

結茅臨絕岸隔水聞清磬山水曠蕭條登臨散  
情性稍指綠原騎還尋汲澗徑長嘯倚亭樹悵  
然川光暝

澄秀上座院

繚繞西南隅鳥聲轉幽靜秀公今不在獨禮高  
僧影林下器未收何人適煮茗

至西峯蘭若受田婦饋

攀崖復綠澗逍遙山上居鳥鳴泉谷暖土起萌  
甲舒聊登石樓憩下翫潭中魚田婦有嘉獻潑



撒新歲餘常恠投錢飲事與賢達踈今我何爲  
荅鰥寡欲焉如

曇智禪師院

高年不復出門徑一作衆草生時夏方新雨果  
藥發餘榮踈澹下林景流暮幽禽情身名兩俱  
遣獨此野寺行

起度律師同居東齋院

釋子喜相偶幽林俱避喧安居同僧夏清夜諷  
道言對閣景恒晏步庭陰始繁逍遙無一事松  
風入南軒

遊瑯琊山寺

受命恤人隱茲遊久未遑鳴騶響幽澗一作前  
旌耀崇岡青冥臺砌寒綠縹草木香填壑躋花  
界疊石構雲房經製隨巖轉繚繞豈定方新泉  
泄陰壁高蘿蔭綠塘攀林一栖止飲水得清涼  
物累誠可遣疲昨終未忘還歸坐郡閣但見山  
蒼蒼

同越瑯琊山趙氏生

石門有雪無行跡松壑凝煙滿衆香餘食施庭  
寒鳥下破衣掛樹老僧云



詣西山深師

曹溪舊弟子何緣住此山  
世有征戰事心將流水  
閑掃林驅虎出宴坐一  
林間藩守寧爲重擁  
騎造雲關

尋簡寂觀瀑布

躡石欹危過急澗攀崖迢遞弄懸泉  
猶將虎竹爲身累欲付歸人絕世緣

簡寂觀西澗瀑布下作

淙深作流絕壁散虛煙翠澗深叢  
際松風起飄來灑塵襟窺蘿翫  
猿鳥解組傲雲林茶果邀真

侶觴酌洽同心曠歲懷茲賞  
行春始重尋聊將橫吹曲一寫山水音

遊南齋

池上鳴佳禽僧齋日幽寂高林  
晚露清紅藥無人摘春水不生煙  
荒岡筠翳石不應朝夕遊良爲蹉跎客

南園

清露夏天曉荒園野氣通  
水禽遙泛雪池蓮迥披紅幽林  
詎知暑環舟似不窮頓灑塵喧  
意長嘯滿襟風



西亭

亭宇麗朝景簾牖散暄風小山初構石珍樹正  
然紅弱藤已扶樹幽蘭欲成叢芳心幸如此佳  
人時不同

夏景園廬

群木晝陰靜北窓涼氣多閑居逾時節夏雲已  
嗟峨寒葉愛繁綠綠澗弄驚波豈爲論夙志對  
此青山阿

夏至避暑北池

晝晷已云極宵漏自此長未及施政教所憂變

炎涼公門日多暇是月農稍忙高居念田里苦  
熱安可當亭午息群物獨遊愛方塘門閉陰寂  
寂城高樹蒼蒼綠筠尚含粉圓荷始散芳於焉  
灑煩抱可以對華觴

題從姪成緒西林精舍書齋

棲身齒始一作始多暮息心君獨少慕謝始精文依

僧欲觀妙洌泉前塔注清池北窓照果藥雜芬  
敷松筠踈蒨峭屢躋幽人境每肆芳辰眺採栗  
玄猿窟擷芝丹林嶠紵衣豈寒禦蔬食非飢療  
雖甘巷北單一作單豈塞青紫耀郡有優賢榻朝



編貢士詔欲同一作求朱輪載勿憚移文誚

題鄭弘憲侍御遺愛草堂

居士近依僧青山結茅屋疎松映嵐晚春池含  
苔綠繁華冒陽嶺新禽響幽谷長嘯攀喬林慕  
兹高世躅

同元錫題瑯琊寺

適從郡邑喧又兹三伏熱山中清景多石罅寒  
泉絮花香天界事松竹人間別殿分嵐嶺明磴  
臨懸一作玄壑絕昏旭窮陟降幽顯盡披闕嶽一作嶺  
駭風雨區寒知龍蛇穴情虛澹泊生境寂塵

妄滅經世豈非道無為厭車轍一作轍

題鄭拾遺草堂

借地結茅棟橫竹掛朝衣秋園雨中綠幽居塵  
事違陰一作涼井夕蟲亂高林霜果稀子有白雲  
意構此想巖扉

韋蘇州集卷第七



韋蘇州集卷第八

蘇州刺史韋 應物

雜興八十九首

詠玉

乾坤有精物至寶無文章雕琢為世器真性一朝傷

詠露珠

秋荷一滴露清夜墜玄天將來玉盤上不定始知圓

詠水精



映物隨顏色含空無表裏持來向明月的皦愁  
成水

詠珊瑚

絳樹無花葉非石亦非瓊世人何處得蓬萊石  
上生

詠瑠璃

有色同寒冰無物隔纖塵象筵看不見堪將對  
玉人

詠琥珀

曾為老茯神本是寒松液蚊蚋落其中千年猶

可觀

詠曉

軍中始吹角城上河初落深沉猶隱帷晃朗先  
分閣

詠夜

明從何處去暗從何處來但覺年年老半是此  
中催

詠聲

萬物自生聽一云萬物自此聽大空恒寂寥還從一作  
靜中起却向靜中消



任洛陽丞請告一首

方鑿不受圓直木不為輪揆材各有用反性生  
苦辛折腰非吾事飲水非吾貧休告卧空館養  
病絕翬塵遊魚自成族野鳥亦有群家園杜陵  
下千歲心氛氲天晴嵩山高雪後河洛春喬木  
猶未芳百草日已新著書復何為當去東臯耘

縣齋

仲春時景好草木漸舒榮公門且無事微雨園  
林清泱泱水泉動忻忻衆鳥鳴閑齋始延矚東  
作興庶忙即事翫文墨抱冲披道經於焉日淡

泊徒使芳樽盈

晚出府舍與獨孤兵曹令狐士曹南尋

朱雀街歸里第

分曹幸同簡聯騎方愜素還從廣陌歸不覺青  
山暮翻翻鳥未沒杳杳鍾猶度尋草遠無人望  
山多枉路聊參世士跡嘗得靜者願出入雖見  
牽忘身緣所明一作晤

休暇東齋

由來束帶士請謁無朝暮公暇及私身何能獨  
閑步摘葉愛芳在捫竹怜粉污岸幘偃東齋夏



天清曉露懷仙閣真誥貽友題幽素榮達頗知  
踈恬然自成度綠苔日已滿幽寂誰來顧

夜直省中

河漢有秋意南宮生早涼玉漏殊杳杳雲闕更  
蒼蒼華燈發新燄輕一作煙浮夕香顧跡知爲  
忝束帶愧周行

郡內閑居

棲息絕塵侶孱鈍得自怡腰懸竹使符心與一作  
如廬山緇永日一酣寢起坐兀無思長廊獨看  
雨衆樂發幽姿今夕已云罷明晨復如斯何事

能爲累寵辱豈要辭

燕居即事

蕭條竹林院風雨叢蘭折幽鳥林上啼青苔人  
跡絕燕居日已永夏木紛成結几閣積群書時  
來北窻闕

幽居

貴賤雖異等出門皆有營獨無外物牽遂此幽  
居情微雨夜來過不知春草生青山忽已曙鳥  
雀繞舍鳴時與道人偶或隨樵者行自當安蹇  
劣一作拙誰謂薄世榮



野居書情

世事日可見身名良蹉跎尚瞻白雲嶺聊作負  
薪歌

郊居言志

負暄衡門下望雲歸遠山但要樽中物餘事豈  
相關交無是非責且得任踈頑日夕臨清澗道  
遙思慮閑出去唯空屋弊筆具委窻間何異林棲  
鳥戀此復來還世榮斯獨已頽志一作思亦何攀  
唯當歲豐熟閭里一歡顏

夏景端居即事

北齋有涼氣嘉樹對層城重門永日掩清池夏  
雲生遇此庭訟簡始聞蟬初鳴逾懷故園愴默  
默以緘情

始至郡

湓城古雄郡一作鎮橫江千里馳高樹上迢遞峻  
堞繞欹危井邑煙火晚郊原草樹滋洪流蕩一作  
薄北趾崇嶺鬱南圻斯民本樂生逃逝竟何為  
早歲屬荒歉舊逋積如坻到郡方逾月終朝理  
亂絲賓朋未及醺簡牘已云疲昔賢播高風得  
守媿無施豈待干戈戢且願撫惇嫠



郡中西齋

似與塵境世一作絕蕭條齋舍秋寒花獨經兩山  
禽時到州清觴養真氣玉書示道流豈將符守  
戀幸以棲心幽

新理西齋

方將耻訟理久翳西齋居草木無行次閑暇一  
芟除春陽土脉起膏澤發生初養條刊朽拊護  
藥鋤穢荒一作蕪稍稍覺林聳歷歷忻竹踈始見  
庭宇曠頓令煩抱舒茲焉即可愛何必是吾廬  
曉坐西齋

蓂蓂城鼓動稍稍林鷗去柳意不勝春巖光已

知曙寢齋有單梯一作靈藥為朝茹盟漱忻景

清焚香澄神慮公門自常事道心寧易一作處

郡齋卧疾絕句

香爐宿火滅蘭燈宵影微秋齋獨卧病誰與覆  
寒衣

寓居永定精舍蘇州

政拙忻罷守閑居初理生家貧何由往夢想在  
京城野寺霜露月農興羈旅情聊租二頃田方  
課子弟耕眼暗文字廢身閑道心精即與人群



遠豈謂是非嬰

永定寺喜辟強夜至

子有新歲慶獨此苦寒歸夜叩竹林寺山行雪  
滿衣深爐正燃火空齋共掩扉還將一樽對無  
言百事違

野居

結髮屢辭秩立身本踈慢今得罷守歸幸無世  
欲患棲止且偏僻嬉遊無早晏逐兔上坡岡捕  
魚緣石澗高歌意氣在貰酒貧居慣時啟北窻  
扉豈將文墨間

同襄子秋齋獨宿

山月皎如燭風霜時動竹夜半鳥驚栖窻間人  
獨宿

餌黃精

靈藥出西山服食採其根九蒸換凡骨經著上  
世言候火起中夜馨香滿南軒齋君感衆靈藥  
術啓妙門自懷物外心豈與俗士論終期脫印  
綬永與天壤存

昭國里第聽元老師彈琴

竹林高宇霜露清朱絲玉徽多故情暗識啼鳥



與別鶴祇緣中有斷腸聲

野次聽元昌奏橫吹

立馬蓮塘吹橫笛微風動柳生水波北人聽罷  
淚將落南朝曲中怨更多

樓中閱清管

山陽遺韻在林端橫吹驚響迴憑高閣曲怨繞  
秋城浙瀝危葉振蕭瑟涼氣生始遇茲管賞已  
懷故園情

寒食

清明寒食好春園百卉開綵繩拂花去輕毬度

閣來長歌送落日緩吹逐殘杯非關無燭罷良  
爲羈思催

七夕

人世拘形迹別去間山川豈意靈仙偶相望亦  
彌年夕衣清露濕晨駕秋風前臨權定不住當  
爲何所牽

九日

今朝把酒復惆悵憶在杜陵田舍時明年九日  
知何處世難還家未有期

秋夜



暗窻涼葉動秋天一作齋寢席單憂人半夜起明  
月在林端一與清景遇每憶平生歡如何方惻  
愴披衣露更一作轉寒

秋夜一絕

高閣漸凝露涼葉稍飄闈憶在南宮直夜長鍾  
漏稀

滁城對雪

晨起滿闈雪憶朝闈闔時玉座分曙早金爐上  
煙遲飄散雲臺下凌亂桂樹姿厠跡駕路未蹈  
舞豐年期今朝覆山郡寂寞復何爲

雪中

空堂歲已晏密室獨安眠厭蓀夜偏積覆閣曉  
逾妍連山暗古郡驚風散一川此時騎馬出忽  
省京華年

詠春雪

徘徊輕雪意似借艷陽時不悟風花冷翻令梅  
柳遲

對春雪

蕭屑杉松聲寂寥寒夜慮州貧人吏稀雪滿山  
城曙春塘看幽谷栖禽愁未去開闈正亂流寧



辨花枝處

對殘燈

獨照碧窻久欲隨寒燼滅幽人將遽眠解帶翻  
成結

對芳樽

對芳樽醉來百事何足論遙見青山始一醒欲  
著接離還復昏

夜對流螢作

月暗竹亭幽螢光拂席流還思故園夜更度一  
年秋自愜觀書興何慙秉燭遊府中徒冉冉明

發好歸休

對新篁

新綠苞初解嫩氣筍猶香含露漸舒葉抽叢稍  
自長清晨止亭下獨愛此幽篁

夏花明

夏條綠已密朱萼綴明鮮炎炎日正午灼灼火  
俱燃翻風適自亂照水復成妍歸視窻間字燐  
煌滿眼前

對萱草

何人樹萱草對此郡齋幽本是忘憂物今夕作



日重生憂叢踈露始滴芳餘蝶尚留還思杜陵  
圃離披風雨秋

見紫荆花

雜英紛已積含芳獨暮春還如故園樹忽憶故  
園人

翫螢火

時節變衰草物色近新秋度月影纔斂繞竹光  
復流

對雜花

朝紅爭景新

一作鮮

夕素含露翻妍姿如有意流

芳復滿園單棲守遠郡永日掩重門不與花爲  
偶終遣與誰言

種藥

好讀神農書多識藥草名持縑購山客移蒔羅  
衆英不改幽澗色宛如此地生汲井旣蒙澤插  
援亦扶傾陰穎夕房斂陽條夏花明悅翫從茲  
始日夕繞庭行州民自寡訟養閑非政成

西澗種柳

宰邑乖所願僂俛愧昔人聊將休暇日種柳西  
澗濱置鍤息微倦臨流睇歸雲封壤自人力生



條在陽春一作王春成陰豈自取為茂屬佗辰延詠  
留佳賞山水變夕曛音人相林不知日動

種瓜

率性方鹵莽理生尤自踈今年學種瓜園圃多  
荒蕪眾草同雨露新苗獨翳如直以春窘迫過  
時不得鋤田家笑枉費日夕轉空虛信非吾儕  
事且讀古人書

喜園中茶生

潔性不可汗為飲滌塵煩此物信靈味本自出  
山原聊因理郡餘率爾植荒園喜隨眾草長得

與幽人言

移海榴

窠有苦寒色山中霜霰多雖此蒙陽景移根意  
如何

郡齋移杉

權榦方數尺幽姿已蒼然結根西山寺來植郡  
齋前新含野露氣稍靜高窓眠雖為賞心遇豈  
有嵩中緣

花徑

山花夾徑幽古甃生苔澁胡床理事餘玉琴承



露濕朝與詩人賞  
夜携禪客入自是塵外蹤  
無令吏趨急

慈恩寺南池秋荷詠

對殿含涼氣  
裁規覆清沼  
衰紅受露多  
餘馥依人少  
蕭蕭遠塵跡  
颯颯凌秋曉  
節謝客來稀  
迴塘方獨遶

題桐葉

參差剪綠綺  
蕭灑覆瓊柯  
憶在灋東寺  
偏書此葉多

題石橋

遠學臨海嶠  
橫此莓苔石  
郡齋三四峯  
如有靈仙山  
一作跡方愁  
暮雲滑始照  
寒池碧自與  
幽人期  
道遙竟朝夕

池上

郡中卧病久  
池上一來賒  
榆柳飄枯葉  
風雨倒橫查

滁州西澗

獨憐幽芳  
一作草澗邊生  
行一作上有黃鸝深樹鳴  
春潮帶雨晚來急  
野渡無人舟自橫

西塞山



勢從千里奔直入江中斷嵐橫秋塞雄地束驚  
流滿

山耕叟

蕭蕭垂白髮默默詎知情獨放寒林燒多尋虎  
跡行暮歸何處宿來此空山耕

上方僧

見月出東山上  
方高處禪空林無宿火獨夜汲  
寒泉不下藍溪寺  
今年一作三十年

煙際鍾

隱隱起何處迢迢送落暉蒼茫隨思遠蕭蕭散逐

一作煙微秋野寂云一作晦望山僧獨歸

始聞夏蟬

徂夏暑未晏蟬鳴景已曛一聽知何處高樹但  
侵雲響悲遇衰齒節謝屬離群還憶郊園日獨  
向澗中聞

射雉

走馬上東岡朝日照野田野田雙雉起翻射斗  
迴鞭雖無百發中聊取一笑妍羽分繡臆碎頭  
一作頭一作施錦鞘懸方將悅羈旅非關學少年  
破弓一長嘯憶在灞城阡



夜聞獨鳥啼

失侶度山覓投林舍北啼今將獨夜意偏知對影栖

迷園鹿

野性本難畜翫習亦逾年麀班始力直麀角已蒼然  
昂首嚼園柳俯身飲清泉見人若閑暇蹶起忽低  
蹇茲獸有高貌凡類寧比肩不得遊山澤踣促誠可憐

聞鴈

故園眇何處歸思方悠哉淮南秋雨夜高齋聞

鴈來

子規啼

高林滴露夏夜清南山子規啼一聲鄰家孀婦抱兒泣我獨展轉何時明一作何為情

始建射侯

男子本懸弧有志在四方虎竹忝明命熊侯始張皇  
賓登時事畢諸將備戎裝星飛的屢破鼓譟武更揚  
曾習鄒魯學亦陪鴛鷺翔一朝願投筆世難激中腸

仙人祠



蒼岑古仙子清廟闕華容千載去寥廓白雲遺  
舊蹤歸來灞陵上猶見最高峯

韋蘇州集卷第八

韋蘇州集卷第九

蘇州刺史韋

應

歌行上二十二首

長安道

漢家宮殿含雲煙兩宮十里相連延晨霞出沒  
弄丹闕春雨依微自甘泉春雨依微春尚早長  
安貴遊愛芳草寶馬橫來下建章香車却轉避  
馳道貴遊誰最貴衛霍世難比何能蒙主恩幸  
遇邊塵起歸來甲第拱皇居朱門我我臨九衢  
中有流蘇合歡之寶帳一百二十鳳凰羅列舍



明珠下有錦鋪翠被之粲爛博山吐香五雲散  
麗人綺閣情飄飄頭上鴛鴦雙翠翹  
迴春雪聚黛一聲愁碧霄山珍海錯棄藩籬烹  
犢包羔如折葵既請列侯封部曲還將金印授  
廬兒歡榮若此何所苦但苦白日西南馳

行路難一云連環歌

荆山之白玉兮良工瑠玖雙環連月蝕中央鏡  
心穿故人贈妾初相結恩在環中尋不絕人情  
厚薄苦須臾昔似連環今似玦連環可碎不可  
離如何物在人自移上客勿遽歡聽妾歌路難

旁人見環環可憐不知中有長恨端

橫塘行

妾家住橫塘夫婿郗家郎玉盤的歷雙白魚寶  
簾玲瓏透象牀象牀可寢魚可食不知郎意何  
南北岸上種蓮豈得生池中種槿豈得成丈夫  
一去花落樹妾獨夜長心未平

貴遊行

漢帝外家子恩澤少封侯垂楊拂白馬曉日上  
青樓上有顏如玉高情世無儔一作非無儔輕裾含  
碧煙窈窕似雲浮良時無還景促節爲我謳忽



聞艷陽曲四坐亦已柔賓友仰稱歎一生何所  
求平明擊鍾食入夜樂未休風雨憊歲候兵戈  
橫九州焉知坐上客草草心所憂

酒肆行

豪家沽酒長安陌一旦起樓高百尺碧疏玲瓏  
含春風銀題彩幟邀上客迴瞻丹鳳闕直視樂  
遊苑四方稱賞名已高五陵車馬無近遠晴景  
悠揚三月天桃花飄俎柳垂筵繁絲急管一時  
合他壚隣肆何寂然主人無厭且專利百斛須  
更一壺一作囊費初醲後薄爲大偷飲者知名不

知味深門潛醞客來稀終歲醇醲味不移長安  
酒徒空擾擾路旁過去那得知

相逢行

二十登漢朝英聲邁今古適從東方來又欲謁  
明主猶酣新豐酒尚帶灞陵雨邂逅兩相逢別  
來間寒暑寧知白日晚暫向花間語忽聞長樂  
鍾走馬東西去

烏引鷓

日出照東城春鳥鳴鷓鷃和鳴鷓和鳴羽猶短  
巢在深林春正寒引飛欲集東城暖群鷓離從



睥睨高舉翅不及墜蓬蒿雄雌來去飛又引音  
聲上下懼鷹隼引鷁鳥尔心急急將何如何得  
比日搜索雀卵噉尔鷁

鷁奪巢

野鷁野鷁巢林梢鷁鷁恃力奪鷁巢吞鷁之肝  
啄鷁腦竊食偷居還自保鳳凰五色百鳥尊知  
鷁爲害何不言霜鷁野鷁得殘肉同啄羶腥不  
肯逐可憐百鳥紛縱橫雖有深林何處宿

鷁啣泥

啣泥鷁聲嘒嘒尾涎涎秋去何所歸春來復紫

見豈不解決絕高飛碧雲裏何爲地上啣泥滓  
啣泥雖賤意有營杏梁朝日巢欲成不見百鳥  
畏人林野宿翻遭網羅俎其肉未若啣泥入華  
屋鷁啣泥百鳥之智莫與齊

鼙鼓行

淮海生雲暮慘澹廣陵城頭鼙鼓暗寒聲坎坎  
風動邊忽似孤城萬里絕四望無人煙又如虜  
騎截遼水胡馬不食仰朔天座中亦有燕趙士  
聞鼙不語客心死何況鰥孤火絕無晨炊獨婦  
夜泣官有期



古劍行

千年土中兩刃鐵土蝕不入金星滅沉沉青春  
鱗甲滿蛟龍無足蛇尾斷忽欲動中有靈豪士  
得之敵國寶仇家舉意半夜鳴小兒女子不可  
近龍蛇變化此中隱夏雲奔走雷闐闐恐成霹  
靂飛上天

金谷園歌

石氏滅金谷園中水流絕當時豪右爭驕侈攻  
爲步障四十里東風吹花雪滿川紫氣凝閣朝  
景妍洛陽陌上人迴首絲竹飄颻入青天晉武

平吳恣歡燕餘風靡靡朝廷變嗣世衰微誰肯  
憂二十四友日日空追遊追遊詎可足共惜年  
華促禍端一發埋恨長百草無情春自綠

溫泉行

出身天寶今年幾頑鈍如錘作命如紙作官不  
了却來歸還是杜陵一男子北風慘慘投溫泉  
忽憶先皇遊幸年身騎廐馬引天仗直入華清  
列御前玉林瑤雪滿寒山上昇玄閣遊絳煙平  
明羽衛朝萬國車馬合沓溢四鄜蒙恩每浴華  
池水扈獵不蹂渭北田朝廷無事共歡燕美人



絲管從九天一朝鑄鼎降龍馭小臣髯絕不得  
去今來蕭瑟一作索萬井空唯見蒼山起煙霧可  
憐蹭蹬失風波仰天大叫無柰何弊裘羸馬凍  
欲死賴遇主人杯酒多

學仙二首

昔有道士求神仙靈真下試心確然千鈞巨石  
一髮懸卧之石下十三年存道忘身一試過名  
奏玉皇乃升天雲氣冉冉漸不見留語弟子但  
精堅

石上鑿井欲到水情心一起中路止豈不見古

來三人俱弟兄結茅深山讀仙經上有青冥倚  
天之絕壁下有颼颼萬壑之松聲仙人變化為  
白鹿二弟翫之兄誦讀讀多七過可乞言為子  
心精得神仙可憐二弟仰天泣一失毫釐千萬  
年

廣陵行

雄藩鎮楚郊地勢鬱岌峩雙旌擁萬戟中有霍  
嫖姚海雲助兵氣寶貨益軍饒嚴城動寒角晚  
騎踏霜橋翕習英豪集振奮士卒驍列郡何足  
數趨拜等卑察日晏方云罷人逸馬蕭蕭忽如



京洛間遊子風塵飄歸來視寶劍功名豈一朝

### 萼綠華歌

有一人兮昇紫霞書名玉牒兮萼綠華仙容矯  
矯兮雜瑤珮輕衣重重兮蒙絳紗雲雨愁思兮  
望淮海鼓吹蕭條兮駕龍車世淫濁兮不可降  
胡不來兮玉斧家

### 王母歌

一云玉女歌

衆仙翼神母羽蓋隨雲起上遊玄極杳冥中下  
看東海一杯水海畔種桃經幾時千年開花千  
年子玉顏眇眇何處尋世上茫茫人自死

### 馬明生遇神女歌

學仙貴功亦貴精神女變化感馬生石壁千尋

啓雙檢中有玉堂

一作床

鋪玉簞立之一隅不與

言玉體安隱三日眠馬生一立心轉堅知其丹

白蒙哀憐安期先生來起居請示金鐙玉佩天

皇書神女呵責不合見仙子謝過手足戰大瓜

玄棗冷如冰海上摘來朝霞凝賜仙復坐對食

訖頷之使去隨煙升

一作使隨

乃言馬生合不

死少姑教勅令付尔安期再拜將生出一授素

書天地畢



石鼓歌

周宣大獵兮岐之陽刻石表功兮煒煌煌石如  
鼓形數止十風雨缺訛苔蘚澁今人濡紙脫其  
又既擊既埽白黑分忽開滿卷不可識驚潛動  
蟄走云云喘逶迤相糺錯乃是宣王之臣史籀  
作一書遺此天地間精意長存世冥冥秦家祖  
龍還刻石碣石之果李斯跡世人好古猶法傳  
持來比此殊懸隔

寶觀主白鸚鵡歌

鸚鵡鸚鵡衆皆如漆爾獨如玉鸚鵡之鶴之衆皆

蓬蒿下爾自三山來嶺三山處子下人間綽約  
不粧冰雪顏仙鳥隨飛來掌上來掌上時拂拭  
人心鳥意自無猜王詣霜毛之同色有時一去  
凌蒼蒼朝遊汗漫暮玉堂巫峽雨中飛暫濕杏  
花林裏過來香日夕夜仁全羽翼立欲銜環非  
報德豈不及阿母之家青鳥兒漢宮來往傳消  
息

彈碁歌

圓天方地局二十四氣子劉生絕藝難對曹客  
爲歌其能請從中央起中央轉鬪破欲闌零落



勢背誰能彈此中舉一得六七旋風忽散霹靂  
疾復機乘變安可當置之死地翻取強不見短  
兵反掌收已盡唯有猛士守四方四方又何難  
橫擊上緣邊豈如昆明與碣石一箭飛中隔遠  
天神安志極動十全滿堂驚視誰得然

韋蘇州集卷第九

韋蘇州集卷第十

蘇州刺史韋 應物

歌行下二十首

聽鶯曲

東方欲曙花冥冥啼鶯相喚亦可聽乍去乍來  
時近遠纔聞南陌又東城忽似上林翻下苑綿  
綿蠻蠻如有情欲轉不轉意自嬌羞兒弄笛曲  
未調前聲後聲不相及秦女學箏指猶澁須臾  
風暖朝日暎流音變作百鳥喧誰家懶婦驚殘  
夢何處愁人憶故園伯勞飛過聲跼促戴勝下



時桑田綠不及流鶯日日啼花間能使萬家春  
意閑有時斷續聽不了飛去花枝猶裊裊還栖  
碧樹鎖千門春漏方殘一聲曉

白沙亭逢吳叟歌

龍池宮裏上皇時羅衫寶帶香風吹滿朝豪士  
今已盡欲話舊遊人不知白沙亭上逢吳叟愛  
客脫衣且沽酒問之執戟亦先朝零落艱難却  
負樵親觀文物蒙雨露見我昔年侍丹霄冬狩  
春祠無一事歡遊洽宴多頒賜嘗陪夕月竹宮  
齋每返溫泉灞陵醉星歲再周十二辰爾來不

語个爲君盛時忽云良可恨一生坎壈何足云

送褚校書歸舊山歌

握珠不返泉匣玉不歸山明皇重士亦如此忽  
得褚生何得還方稱羽獵賦未拜蘭臺職漢篋  
亡書已暗傳蒿丘遺簡還能識朝朝待詔青鑠  
闈中有萬年之樹蓬萊池世人仰望棲此地生  
獨徘徊意何爲故山可往薇可採一自人間星  
歲改藏書壁中苔半侵洗藥泉中月還在春風  
飲餞灞陵原莫厭歸來朝市喧不見東方朔避  
世從容金馬門



五弦行

美人爲我彈五弦塵埃忽靜心悄然古刀幽磬  
初相觸千珠貫斷落寒玉中曲又不喧徘徊夜  
長月當軒如伴風流縈艷雪更逐落花飄御園  
獨鳳寥寥有時隱碧霄來下聽還近燕姬有恨  
楚客愁言之不盡聲能盡末曲感我情解幽釋  
結和樂生莊士有仇未得報拔劍欲去憤已平  
夜寒酒多愁遽明

驪山行

君不見開元至化垂衣裳厭坐明堂朝萬方訪

道靈山降聖祖沐浴華池集百祥千乘萬騎被  
原野雲霞草木相輝光禁仗圍山曉霜切離宮  
積翠夜漏長玉階寂歷朝無事碧樹萎蕤寒更  
芳三清小鳥傳仙語九華真人奉瓊漿下元昧  
爽漏一作編恒秩登山朝禮玄元室翠華稍隱天  
半雲丹閣光明海中日羽旄旌節憩瑤臺清絲  
妙管從空來萬井九衢皆仰望彩雲白鶴方徘徊  
憑高覽古一作望嗟寰宇造化茫茫思悠哉秦  
川八水長繚繞漢氏五陵空崔嵬乃言聖祖奉  
丹經以年爲日億萬齡蒼生感壽陰陽泰高謝



前王出塵外英豪共理天下晏戎夷龍言伏兵無  
戰時豐賦斂未告勞海闊珍奇亦來獻干戈一  
起文武垂歡娛已極人事變聖皇弓劍墜幽泉  
古木蒼山閉宮殿續承鴻業聖明君威震六合  
驅妖氛太平遊幸今可待湯泉嵐嶺還氛氲

漢武帝雜歌三首

漢武好神仙黃金作臺與天近王母摘桃海上  
還感之西過聊問訊欲來不來夜未央殿前青  
鳥先徊翔綠鬢紫雲裾曳霧雙節飄飄下仙步  
白日分明到世間碧空何處來時路玉盤捧挑

時獻君踟躕未去留彩雲水系田幾翻覆中  
問此桃四五熟可憐穆滿瑤池燕正值花開不  
得薦花開子熟安可期邂逅能當漢武時顏如  
芳華潔如玉心念我皇多嗜欲雖留桃核桃有  
靈人間糞土種不生由來在道一作德豈在藥徒  
勞方士海上行掩扇一言相謝去如煙非煙不  
知處

金莖孤峙兮凌紫煙漢宮美人望杳然通天臺  
上月初出承露盤中珠正圓珠可飲壽可永武  
皇南面曙欲分從空下來玉杯冷世間綠翠亦



作囊八月一日仙人方仙方稱上藥靜者服之  
常綽約栢梁沉飲自傷神猶聞駐顏七十春乃  
知甘醲皆是腐腸物獨有淡泊之水能益人千  
載金盤竟何處當時鑄金恐不固蔓草生來春  
復秋碧天何言空墜露

漢天子觀風自南國浮世大江屹不前蛟龍索  
鬪風波黑春秋方壯雄武才彎弧叱浪連山開  
愕然觀者千萬衆舉麾齊呼一矢中死蛟浮出  
不復靈舳艦千里江水清鼓鼙餘響數日在天  
兵深入魚鼈驚左有攸飛落霜翮右有孤兒貫

犀革何爲臨深親射蛟示威以奪諸侯魄威可  
畏皇可尊平田校獵書猶陳此日從臣何不言  
獨有威聲振千古君不見後嗣尊爲武

梭櫚蠅拂歌

梭櫚爲拂登君席青蠅掩亂飛四壁文如輕羅  
散如髮馬尾髦牛不能絜柄出湘江之竹碧玉  
寒上有織羅縈縷尋未絕左揮右灑繁暑清孤  
松一枝風有聲麗人紈素可憐色安能點白還  
爲黑掩一作捺

信州錄事參軍常曾古鼎歌



三年糾一郡獨飲寒泉井江南鑄器多鑄銀罷  
官無物唯古鼎彫螭一作刻篆相錯蟠地中歲  
久青苔寒左對蒼山右流水云有古來葛仙子  
葛仙理之何不還耕者鎗然得其間持示世人  
不知寶勸君鍊丹永壽考

夏冰歌

出自玄泉杳杳之深井汲在朱明赫赫之炎辰  
九天含露未銷鑠閭闔初開賜貴人碎如墜瓊  
方截璐粉壁生寒象筵布玉壺紈扇亦玲瓏座  
有麗人色俱素咫尺炎涼變四時出門焦灼君

詎知肥羊甘醴心悶悶飲此瑩然何所思當念  
闌干鑿者苦臘月深井汗如雨

凌霧行

秋城海霧重職事凌晨出浩浩合无天溶溶迷  
朗一作朝日纔看含鬢白稍視一作似露衣密道騎  
全不分郊樹都如失霏微誤噓吸膚腠生寒慄  
歸當飲一杯庶用蠲斯疾

樂燕行

良辰且燕樂樂往不再來趙瑟正高張音響清  
塵埃一彈和妙謳吹去繞瑤臺艷雪凌空散舞



羅起徘徊輝輝發衆顏灼灼歎令才當喧既無  
寂中飲亦停杯華燈何遽升馳景忽西頽高節  
亦云立安能滯不廻

采玉行

官府徵白丁言采藍谿玉絕嶺夜無家深榛雨  
中宿獨婦餉糧還哀哀舍南哭

一作田荒  
舍南哭

難言

掬土移山望山盡一作遷投石填海望海滿持索  
捕風幾時得將刀斫水幾時斷未若不相知中  
心萬仞何由款

易言

洪爐熾炭燎一毛大鼎炊湯沃殘雪疾影隨形  
不覺至千鈞引縷不知絕未若同心言一言和  
同解千結

調嘯詞二首

胡馬胡馬遠放燕支山下跑沙跑雪獨嘶東望  
西望路迷路迷路迷路邊草無窮日暮  
河漢河漢曉挂秋城漫漫愁人起望相思江南  
塞北別離別離別離離別河漢雖同路絕


三臺詞二首



一年一年老去明日後日花開未報長安平定  
萬國豈得啣盃

冰泮寒塘始綠雨餘百草皆生朝來門閭無事  
晚下高齋有情

韋蘇州集卷第十



韋蘇州集拾遺

蘇州刺史韋應物

熙寧丙辰校本添四首

答暢參軍一首

南池宴錢子辛賦得科斗一首

詠徐正字畫青蠅一首

虞獲子鹿一首并序

紹興壬子校本添三首

陪王郎中尋孔徵君一首

送宮人入道一首



和晉陵陸丞早春遊望一首

乾道辛卯校本添一首

九日

荅暢參軍

秉筆振芳步少年且吏遊官間高興生夜直河  
漢秋念與清賞遇方抱沉疾憂嘉言忽見贈良  
藥同所瘳高樹起栖鴉晨鍾滿皇州淒清露華  
動曠朗景氣浮偶宦心非累處喧道自幽空虛  
為世薄子獨意綢繆

南池宴錢子辛賦得科斗

臨池見科斗美爾樂有餘不憂網與釣幸得免  
為魚且願充文字登君尺素書

詠徐正字畫青蠅

誤點能成物迷真許一時筆端來已久座上去  
何遲顧白曾無變聽雞不復疑詎勞才子賞為  
入國人詩

虞獲子鹿并序

虞獲子鹿憫園鹿也遭虞之機張見畜於人不  
得遂其天性焉

虞獲子鹿畜之城陬園有美草池有清流但見



蹙蹙亦聞啾啾誰知其思巖谷云游一作

陪王郎中尋孔徵君

俗吏間居少同人會面難偶隨香署客來訪竹  
林觀暮館花微落春城雨暫寒甕間聊共酌莫  
使官情闌

送宮人入道

捨寵求仙畏色衰辭天素面立天墀金丹擬駐  
千年貌寶鏡休勻八字眉公主與收珠翠後君  
王看戴角冠時從來宮女皆相妒說著瑤臺總  
淚垂

和晉陵陸丞早春遊望

獨有宦遊人偏驚物候新雲霞出海曙梅柳渡  
江春淋氣催黃鳥晴光照綠蘋忽聞歌苦調歸  
思欲霑巾

九日

一為吳郡守不覺菊花開始有故園思且喜衆  
賓來



行發像集命遊

百來

一為吳藏中不覺其時開故首始因思且喜衆

大日

只於中

Handwritten text in vertical columns, mostly illegible due to fading and the watermark.

